



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Detectio Nvgarvm Lvtheri, Cvm Declaratione Veritatis
Catholicae, Et Confvtatione Dogmatvm Lvtheranorvm**

Bundere, Jan van den

Louanij, 1551

Quàm sibi sint contra dictoria dicta Lutheri cap. xiiij.

urn:nbn:de:hbz:466:1-35621

QVOD SIBI CONTRADICT.

Heccine constantia euangelica Luthere?
Pro tuo arbitrato negata asserere, & assera
negare ac nusquam certum figere pedem?

Quòd sibi contradictoria sunt dicta
Lutheri. CAP. XIII.

PHILOMATHES Mirari satis non va
leo te tot inuenisse contrarietates in v-
no Luthero qui se euangelistam censet.

ORTHODOXVS Plures adducam
ni graueris audire, ne autem verborum meo-
rum ambigua sit fides, curabo verba viri eru-
ditissi. Ioannis Fabri, Episcopi Viennensis, ex
responsione sua .55. contra librum Martini
Lutheri de potestate papæ, **VERBA EPIS-
COP I.** Certè negare non potes, ab initio
causæ tuæ dicebas indulgētias aliquid esse, has
duntaxat soluere canonicas, pœnas quas sta-
tuissent pōtiffices, ac patres antiqui, In tua ca-
ptiuitate, & alibi dicis indulgentias prorsus
nihil esse, immo ad verbum sic ais, indulgen-
tiæ nihil aliud sunt, quàm meræ adulatorum
Romanorum imposturæ, quibus fides Dei &
pecunię hominum perduntur.

Dicebas itaque canonicas pœnas per in-
dulgētiās posse remitti, & postea scribis nec
pontificem, nec episcopos, immo nec cōcilia,
in ho

in hominem quicquam statuere posse.

Hic ponis septem sacramenta. In captiuitate tua sic inquis, neganda sunt septem sacramenta, & tantum tria pro tempore ponenda. Quanquam ex vsu scripturæ loquendo, non nisi vnum sit sacramentum.

Admiseras & posuisti liberum arbitrium, Iam dicis liberum arbitrium nihil esse, contra vtriusque testamenti apertissima testimonia.

Detestabaris Bohemos quòd ab ecclesia recessissent. Iam scribis in hæc verba, Nō sunt hæretici neque scismatici Bohemi & Græci, quia euangelijs nituntur. Sed vos Romani estis hæretici & impij scismatici, Quasi non venerit spiritus sanctus in concilia contra eos habita.

Volebas te ac tua iudicio Romani pontificis submitti, Iam nec pontificem audire vis.

Appellabas Auguste non sine maiestate aliqua ad futurum concilium, cui te totū submiseras, huius decreto ex omni parte stare volebas, Sed non solum tibi fatalia labuntur, immo tu renuntias omni conciliorum decreto, quum non verearis dicere concilia esse humana decreta sibi contraria, proin aspernanda. Et iam non in vno libello duntaxat pontificem pro modesto spiritu tuo sathanam, Luciferū, & antichristum

E v vocas

QVOD SIBI CONTRADICT.

vocas, cuius pedibus te aliquando prostraueras, & beatissimum appellaueras patrem.

Clamabas pro celebrando concilio. Iam omnia concilia damnas, reijcis & impia vocas.

Laudabas concilium Nicenum tanquam omnium sacratissimum, nunc per omnia illi contraria scribis & dicis. Nam inter viginti canones tam sacrati concilij in Decem & octo peccas.

Non negasti Eucharistiam dici sacrificium, Iam contra Irenæum, Hieronymum, Ambrosium, Chrysostrum & alios dicis, impiissimus abusus est missam dici opus bonum & sacrificium. Celebrasti missas priuatas, etiam libellum scribis de abroganda missa priuata. Honorabas episcopos & venerabaris sacerdotes, iam dicis non esse dubium vniuersos sacerdotes & monachos cum episcopis & omnibus suis maioribus esse idololatrias, in statu periculosissimo agentes ob missæ ignorantiam abusionem & irrisionem. Liturgiam pro mortuis sacrum fecisti. Nunc verò dicere non vereris manifestum & impium errorem esse, missam pro peccatis, pro satisfactionibus aut quibuscunq; necessitatibus suis aut aliorum offerre seu applicare. Immo addis quòd scandalum sit missam credi sacrificium quod offertur Deo, contra Irenæum, Chrysostrum, Ambrosium, Hieronymum, immo contra totam

tam ecclesiam per totum orbem diffusam.

Docuisti baptizari in nomine patris & filij & spiritus sancti, Nunc ais quocunque modo tradatur baptismus, Modo nō in nomine hominis, sed in nomine Domini, verè saluum faciet, contra euangelium ac canonem apostolorum. Circa sacerdotes & episcopos non reprobasti ad illos pertinere, Qui vos audit me audit, Nunc ita subinfers hæc verba, Qui vos audit me audit, Qui vos spernit me spernit, duntaxat apostolis euntibus prædicare euangelium referri debeant, contra Irenæum, Tertullianum, Cyprianum, & cæ. Immo ferè contra Euangelium. Nam in Luca habetur quòd hæc verba non ad apostolos, sed ad septuaginta duos discipulos dixerit. Et Paulus dicit. Qui hæc spernit non hominem spernit sed Deum. Qui etiam spiritum suum dedit sanctum in nobis. In decalogo tua vota vouenda doces, In captiuitate verò cum desiderio optas omnia vota religionis, peregrinationum ac quorumcunq; operū tolli.

Sacerdotem dixisti ministrū esse Domini, qui potestate clauium confitentē absoluat. Iā dicis quòd Christus Math. 16. Quodcūq; ligaueris, Et in. 18. Quodcunq; ligaueritis. Et Ioannis ultimo. Quorum remiseritis peccata, Nihil de potestate, sed de fide omnia agat.

Docu-

1. Theff. 4.

QVOD SIBI CONTRADICT.

Docuisti in decalogo quæ circumstantiæ peccatum aggrauent. In captiuitate iam doces in confitendis peccatis apud Christianos, vnâ esse dūtaxat circūstantiā quæ sit peccasse fratrem. Nulla enim persona fraternitati Christianæ comparanda sit. Nec aliquid aliud faciat obseruatio locorum, temporum, aut personarum, & si qua alia est inflatura superstitiosa quàm vt magnificet ea, quæ nihil sunt in iniuriam eorum quæ omnia sunt. Et sic secundum te non peccauerunt grauius qui domum Dei speluncam fecerunt latronū, quàm aliam domum. Nec fornicatio illius Corinthij satanæ traditi maior fuit quàm alterius. Frustra ergo dixit Ioannes Herodi. Non licet tibi habere vxorem fratris tui.

Matth. 21.

1. Cor. 9.

Math. 14.

Hic Sacramentum confirmationis, dicis In captiuitate Babilonica, miraris quid illis in mentem venerit vt sacramentum confirmationis fecerint ex impositione manuum. Doces veteris legis præcepta non esse tenenda, In captiuitate approbas gradus ex Leuitico in matrimonio prohibitos. Dicis nos non teneri ad alia quàm quæ in noua lege sunt præcepta. Et incautè matrimonium inter aliquos arctissimo vinculo cōstrictos admittis.

Leges olim non damnasti, iam imprudentissimè scribis te scire nullam rempublicam legibus

gibus scèliciter administrari.

Ordinem, Sacramentum hic apertè dicis. In captiuitate tua sic verborum tuorum obliuisceris vt dicas. Sacramentum ordinis ecclesie Christi ignorat, inuentumque est ab ecclesia Papæ. Extremam vnctionem hic Sacramentum affirmas, In captiuitate tua dicere non formidas, Si vsquam deliratum fuerit in extrema vnctione præcipuè deliratum est.

Papam beatissimum vocas in epistola dedicatoria resolutionum tuarum, In libro contra Ambrosium Catharinum, conclusum esse dicis Papam esse Antichristum & Romam esse lernam malorum. Et quòd Papa minister sit diaboli, eiusque ecclesia synagoga sathanæ.

Pœnitentiam pro Hieronymi intellectu prædicasti, Iam dicis non esse pœnitentiam post naufragium secundam tabulam contritæ à Hieronimo repetitam sententiam.

Allegoriam in Paulo ad Galathas ac in pluribus alijs scripturæ locis non reprobasti, ad Ambrosium scribens dicis. Non permitto vt scripturæ plures quàm vnum sensum tribuas. Et solo literali sensu pugnandum esse. Iterum ais qui & vnicus sit per totam scripturam Sic ergo nobis Deum ex electro ac quasi statuum immobilem, immo Christum ouem balantem & quadrupedem facis.

Ezec. vi
Ioan. i.

Quando

QVOD SIBI CONTRADICT.

Quando Vvittemberge professorem agebas placuere tibi gymnasia, Nūc vbi in academia locū non habes, dicis gymnasia pro tua diuina modestia esse Sodomam atq; Gomorram. Et quod impudētius est, vt sacerdotē beelphegor agas sacrificantē dicis esse, scholas dicis esse lupanaria. Quasi Christ^o rep^{ro}bauerit discētium scholas. Et nō legerit Esai. in synagoga. Acerimè sepe pro sacerdotio pugnasti, Iam in hāc venis infaniā vt dicas nullū esse in nouo testamento sacerdotiū, nisi quod humanis mēdacijs sit per sathanā creatum, Et ea propter nos surdas imagines vocas. Vis per ōnia primitiuā sequi ecclesiā, Qui prius ecclesiā tāto studio tuebaris. Montani errores euitasti, iā cum illo vt est apud Eusebiū, vniuersam blasphemias ecclesiā, & nihil reuerētiae illi defers. Nūc tu concludis, nō nisi die dominica semel esse celebrandū & cōmunicandū, Cū tamen in primitiua ecclesia quotidie communicarent.

Iubes misceri vinū cū aqua in cōsecratione & rectè, Cū tamē scripturā de aqua nullā habeas. Dicis primitiuā ecclesiā imitandā esse. Tamen tu ac tui nō venditis possessiōes, & ponitis ad pedes discipulorū, Et quod maius est, nō ieiunatis, immo ieiunium luditis. Oblitiq; quod Antiochie prophetis ministrātibus ac ieiunātibus dixit illis spiritus sanctus, &cæ. Et quod

Luc. 4.

Act. 19.

quòd per singulas ecclesias cum ieiunationi- *Act. 14.*
bus constituerunt presbyteros.

Sed & confesionem auricularem ab ini-
tio probasti, Nunc verò damnas, & ita refutas
vt etiam qui velint cōmunicare mensē Domi-
ni non sit necesse quòd confiteantur. Modo
dormiant multi & sint imbecilles non pauci,
iuxta prophetiam Pauli. Et quasi in Actis 2. *1. Cor. 11.*
postolicis non venerint multi credentium
confitentes & annunciantes actus suos. Et tu *Act. 19.*
fortè scis soluere eum cuius vincula nescis,
hæc episcopus Viennensis.

PHILOMATHES Resilio à Luthero,
quem non credam deinceps Christi euange-
listam, sibijpsi in tot articulis contrarium.
Non enim cum Christo colligit sed dispergit. *Matth. 12.*

ORTHODOXVS In alijs quoque secum
& cum euangelio pugnat Lutherus ex dia-
metro, sicuti diffusius patuit in hoc dialogo,
& latius differetur.

Vt autem videas quomodo rota volubris
or omni vento, circumferatur, animaduerte.
Quando calumniam struere inciperet contra
indulgentias, scripsit ad archiepiscopum Ma-
guntinum, volens auelli securitatem de pro-
pria salute quam diuulgabant præcones per
indulgentias assequendam. Non sit homo
inquit securus per vllum munus episcopi de
salute

QVOD SIBI CONTRADICT

Phil. 2.

2. Pet. 4.

Matth. 7.

salute, cū nec per gratiam Dei infusam fiat securus, Sed semper in timore & tremore iubet nos operari salutem nostrā Apostolus. Et iustus inquit Petrus vix saluabitur, Dominus verò ubiq; difficultatem salutis denunciat, atq; etiam asserit viam quæ ducit ad vitam. Cur ergo per illas falsas fabulas veniarum & promissiones, prædicatores earum faciunt populum securum & sine timore.

In Babilonico suo præludio econtra scripsit tam securum tam diuitem esse hominem christianum, vt etiam si velit non possit perdere salutem, nisi nolit credere. Nec vlla peccata eum damnare queant, eo quòd per fidem in promissionem quæ baptizato facta sit, mox absorbeatur ac deleantur omnia peccata, modo credat aut cogitet se baptizatum esse.

Vide ô Philomathes, Non cogitat tuus Lutherus quid dicat. Sed quicquid in Buccam venerit euomit. Hoc solum meditans vt in Romanum Pontificem debacchetur. Nec mirum si secum pugnet, qui in aperto non veretur diuo Paulo contradicere scribenti ad *3. Cor. 6.* Corin. An nescitis inquit quòd iniqui regnū Dei non possidebunt. Nolite errare, neq; fornicatores, neque idolis seruietes, neq; adulteri, neque molles, neq; masculorum concubitores, neque fures, neque auari, neque ebriosi

ebriofif neque maledici neq; rapaces regnum Dei poffidebunt, Lutherus autem folos infideles à regno Dei fecludit .

De fimulata fui fubmiffione .

CAP. XV.

PHILOMATHES Etsi magnam affer-
tionum Lutheri partem reieceris, hoc
in eo opinor comprobabis, quòd fele fa-
cris literis, facris canonibus decretalibus pò-
tificijs, & ecclesiasticis patrocinated, immo ó-
nium fuorum fuorum iudicio fubmiferit.
Nam in libro theutonico quem contra ana-
baptiftas ædedit commemorat bona que à pa-
patu habemus, ne omnia reiiciantur propter
odium Papæ . Nos fatemur inquit fub papatu
multa bona effe, immo omnia bona Chriftia-
na inde ad nos defluxiffe. Nempe confitemur
in papatu veram effe fcripturam facram, ve-
rum baptifmum, verum facramentum altaris,
veras clauces ad remittenda peccata, verum
prædicandi officium, verum cathecifmum, ve-
luti orationem dominicam, ac decem præce-
pta & articulos fidei .

Ededit etiam libellum cui hunc præfixit ti-
tulum, *Resolutiones difputationum de indul-
gentiarum virtute*, miram exhibens erga Ro-
manum pontificè humilitatè fubiectionemq;

F &